

Desaloxo e reocupación do caixeiro de NGB en Gondomar na mesma mañá.

Escrito por Redaccion @valminorinfo
Luns, 10 Decembro 2012 10:16



Un operativo da Garda Civil desaloxou ás 9 da mañá ao grupo de clientes de NovaGalicia Banco que ocupaban o caixeiro da sucursal Gondomar. O operativo tivo lugar sen incidentes xa que os aforristas decidiron saír sen opoñer resistencia, tras 8 días de ocupación permanente en reclamo da devolución dos seus aforros retidos a través de participacións preferentes e débedas subordinadas. Valminor. Info, único medio presente nese momento, puido observar un trato respectuoso entre os dous axentes que levaron adiante a orde xudicial de desaloxo e os veciños que ocupaban. No momento de redactar este artigo, o caixeiro volve a ser ocupado por outro grupo de afectados.

Minutos antes das 9 horas, a sucursal de NGB Gondomar xa rexistraba un tránsito importante de clientes. Dous patrullas da Garda Civil, aparcadas as portas do Concello de Gondomar (a uns 50 metros da sucursal bancaria) preparaba o operativo para levar adiante a orde xudicial de desaloxo, dos ocupantes do caixeiro de NGB. Testemuñas sinalan que varias unidades máis atopábanse en apoio en diversos puntos da vila.

Sobre as 8:30 horas, un axente que se identificou co grao de capitán, presentouse ante os afectados sinalando que tiña unha orde xudicial "verbal" para proceder ao desaloxo. Os ocupantes tras deliberar e observando o operativo que rodeaba a zona, decidiron saír sen opoñer resistencia.

Sobre as 9 horas, outros afectados, alertados da presenza do operativo ían achegándose a zona e comezaron os rumores dunha nova ocupación con outros protagonistas. Ás 10 da

Desaloxo e reocupación do caixeiro de NGB en Gondomar na mesma mañá.

Escrito por Redaccion @valminorinfo
Luns, 10 Decembro 2012 10:16

mañá, a reocupación do local tivo lugar por parte de outras catro persoas.